

Siunnersummut nassuaatit

Nassuaatit nalinginnaasut**1. Aallaqqasiut**

Siunnersuutip Inatsisartut inatsisaata atorneqarnerani periuserineqartuni misilitakkat ersersippai. Taamaalilluni teknikikkut siunnersuut annertuumik allannguiffiunngitsoq matumani pineqarpoq.

Ilaatigut taarsigassarsianik utertitsinermi aningaasartuutit, naak taarsigassarsiat aningaasartuutinut Kommunit Namminersorlutillo Oqartussat missingersuutaat naatsorsuutaallu pillugit Inatsisartut inatsisaanni (MNI) § 2, imm. 3 naapertorlugu missingersuutit inissisimanerannik naatsorsuinermi ilaatinneqartanngikkaluartut, missingersuutit inissisimanerannik naatsorsuinermut ilaatinneqassanersut nalornissutigineqarpoq. MNI-mi § 2, imm. 3-p ukiut sisamat inerneranni aningaasanut inatsimmi amigartoortoqartussaannginnermik piumasaqaatip, aningaasaqarnikkut iluaqutaasumik ineqarnermut, inuussutissarsiornermut attaveqaatinillu suliniutinut aningaasalinernut akornusiisinnaanera pinaveersimatinniarpaa. Assingusut ineqarnermi, inuussutissarsiornermi attaveqaatinilu suliniutinut ilaatinneqannngitsunut aningaasaliinerni aningaasalersuutit taarsigassarsiat taarsorsorneqarnerannut tunngatillugu aamma atuupput. Missingersuutit naatsorsuutillu pillugit inatsimmi § 2, imm. 3-mik paasinarsaaneq Inatsisartut inatsisaat nalorninermik pinaveersaartitsisinnaavoq.

Kommunit namminersorlutillo oqartussat pisinissamut, sanaartornissamut suliassamulluunniit allamut tunissutinik, tapiissutinik assigisaannilluunniit ilaatigut pissarsisarput. Tunissut, tapiissut, ikiorsiissut il.il. soqutigisaqatigiit assigiinngitsuneertarsinnaavoq. Taakku tassaasinnaapput suliffeqarfiiit inuinnaalluunniit, aningaasaateqarfiiit ajungngitsuliortut, EU allalluunniit. Assersuutigalugu Namminersorlutik Oqartussat nutaamik napparsimaviliornissamut aningaasaateqarfimmit tapiissutinik annertuunik tunisippat, malittarisassat atuuttut naapertorlugit sanaartornermut aningaasartuutit tamarmik namminersorlutik oqartussaat missingersuutini inissisimanerannut ilangullugit naatsorsuutigineqarnissaat unammillernartuussaaq. Tamanna aamma tapiissutinit assigisaannilluunniit aningaasalersukkamut aamma atuuppoq. Allatut oqaatigalugu tapiissutit ukiuni aningaasanut inatsiseqarfiusuni napparsimaviliornermik aningaasalersuinermi ilaatinneqarneranni aningaasanik atorneqarsinnaasunik tapiissutit annikillisaassapput. Tamanna missingersuutit inissisimanerannik naatsorsuinermi malittarisassani nutaani siunertarineqanngilaq, taamaammallu Inatsisartut inatsisaata aaqqiivigineqarnissaa siunnersuutaavoq.

§ 12, imm. 1-imi aalajangersagaq oqaasertaliussat atorneqarnerannut tunngasoq, maanna Namminersornerullutik Oqartussat missingersuutaat pillugit Inatsisartut inatsisaanni nr. 8, 29.

Oktober 1999-imeersumi atorunnaarsinneqartumi § 6, imm. 1-imit allannngortinnagu ingerlateqqitaavoq. Ingerlatsinermili oqaasertaliussanik aningaasaliisarnermik aqtsinermi ilapittuiinnangitsunik aalajangersaasoqartarnera paasinarsivoq. 2023-mut Aningaasanut inatsimmi Suliassaqrifik 10 – 89 oqaasertaliussaq nr. 9 ima aalajangersagaqartoq assersuutaasinjaavoq “Tjenestemandinut Tele Greenland A/S-imi, KNI Pilersuisoq A/S-imi imaluunniit taakkununnga suliffeqarfissuarnut atasumik ingerlatseqatigiiffinni atorfinittunut ingerlatseqatigiiffik inunnut ataasiakkaanut tjenestemandinut pensionisiaqartitsinerup atorunnaarneratigut pensionisiaqartitsinissamik sanassaaq. Tjenestemandit pensionisiassaasa taamaaqataannik matussutissaqartinnerat anguneqarsinnaanngippat, Tele Greenland A/S imaluunniit KNI A/S pensionisiassanik piumasarineqartut inummum tunngasumik pensionisiaqarnermut aaqqissuussinermit anguneqarsinnaanngitsut akilertassavaat”. Oqaasertaliussat aktiaatileqatigiiffiit taaneqartut pilersinneqarnerannngaanneerput, taamanikkullu tjenestemanditut atorfeqartut ingerlatseqatigiiffinni atorfeqalerlutik nuunnerannngaanneerlutik. Nassuaatit naapertorlugit tjenestemandit allannngortitsinermi taaneqartumi ilaasut, allannngortitsinermi ajorermik inissinneqannginnissaannik qulakkeerinissamik siunertaqarput. Siunertaq taamaattoq aningaasaliinermut tunngasutut isigineqarsinnaanngilaq, naak allannngortitsineq aamma aningaasaliinermi siunertaqarluartoq.

MNI-mi § 18, imm. 4 naapertorlugu ingerlatsinermi, sanaartornermi taarsigassarsisitsinermilu (IST) sinneqartoorutit Nunatta Karsiata naatsorsuutaasa Inatsisartunit akuerineqarnerisa kingorna piaartumik Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmum nuunneqartassapput. Malittarisassanilu maanna atuuttuni namminersorlutik oqartussat ingerlatsinermi, sanaartornermi taarsigassarsiaqartitsinernilu amigartofigisaannik ukioqarsinnaanera sillimaffigineqanngilaq. Taamaattoqarnera piffissap ingerlanerani Nunatta Karsiata uninngasuutaasa sinneqartoorutit aningaasaateqarfimmum nuunneqarneranni, amigartoortillu Nunatta Karsianit nammanteqartussaaneranni annikilliartornerannik inerneqarsinnaavoq. Tamanna naapertuutinngitsumik aningaasanik aqtsinervooq, sinneqartoorutillu ukiut aningaasanik inatsiseqarfiit kingusinnerusunut nuunneqarnerisigut ingalassimatinneqarsinnaalluni, taamaalillunilu Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmum nuussinnginnerni amigartoortut ukiut akornanni pilersut ilanngaatigineqarsinnaaneri periarfissinnejassaaq.

Inatsit atuuttoq namminersorlutik oqartussani naalakkersuisoqarfiit il.il. immikkoortuni pilersaarusiornissamut peqquneqarnissaannik periarfissiivoq. Immikkoortunut pilersaarummi sukkulluunniit atuuttumi, immikkoortumi periusissaq nassuarneqarpoq. Pisortat missingersuutiminni ungasissumik sammisumik pingaarnersiuinermik aallussinermik qulakkeernissaat, taakkulu qanoq ililluni suliniutinut sukumiisunut atugassannngortinnejarnissaat immikkoortuni pilersaarutini siunertaavoq. Kommunit minnerunngitsumik sanaatornermi suliassanik annertusiartortunik amerliartortunillu tuniorarneqartillugit, aamma kommunit aningaasaqarnerminnik aqtsinermiinni ungasissumullu sammisumik pingaarnersiuinermiinni tunngavissatut immikkoortumut pilersaarutinik ineriartortitsinissaannik piumasaqaatit ammaanneqarput.

Ullumikkut kingusinnerpaamik qaqugukkut kommunalbestyrelsit kommunip ukiumoortumik naatsorsuutaanik akuersisarnissaannut piffissaliisoqanngilaq, tamannalu kommunitakuersinissamik ukiup ilaanut kingusissumut imaluunniit ukiup tullianut imaluunniit suli kingusinnerusumut kinguartisisinnaanerannut nalornisoqarneranik pilersitsivoq. Tamanna suliamut ilaasunut tamanut naapertuitinngilaq. Minnerunngitsumik naatsorsuutit aningaasaqarnermik aqutsinermi tunngaviunerannut, kommunalbestyrelsillu aalajangiineri naatsorsuutit pisoqaanerujartillugit isumaarukkiartorneranut tunngatillugu.

2. Siunnersuummi immikkoortut pingaarerit

Missingersuutit inissisimanerannik naatsorsuinermi, taarsigassarsiat § 6 malillugu akuerineqartillugit, aningaasallu aningaasaliinernut akuerineqartunut ingerlasimatillugit, taarsigassarsianut, pilersitsinermi akiliutinut aningaasartuutinut, naqitsinermi akiliummut, akiliinermut, akiliutinut ernianullu tunngasunik aningaasartuutit aningaasartuutit ilanngunneqartannginnissaata erseqqissarneqarnissaa siunnersuutigineqarpoq.

Taamattaaq missingersuutit inissisimanerannik naatsorsuinermi, tunissutisiatut, tapiissutitut il.il. tiguneqartut aningaasartuutinit annertunerutinnagit, isertitat tunissutitut, tapiissutitut il.il. tiguneqartut, taakku siunertanut aalajangersimasunut kiisalu siunertanut taakkununnga attuumasunik aningaasartuutinut ilanngunneqartassanngillat.

Oqaasertaliussat siunertanut aningaasaliissutaasunik aqutsinermut toqqaannartumik ilapittuutaanngitsutut atorneqartarnerat pisinnaasarloq. Siunnersuutikkut oqaasertaliussaata atorneqarnerannut maanna malittarisassaasut allanngortinnissaat siunniunneqarpoq, taamaalilluni taakku periutsinut naapertuuttungortinneqassallutik. Allannguummi oqaasertaliussat inatsisinik atuutunlik il.il. taarserneqarnissai siunertaanngilaq. Immikkoortuni pisariaqartumik inatsisitaqanngitsuni, peqatigisaanillu pissutsit maleruagassiornerannut tunngatillugu inuiaqatigiinnut annertuumik tunngavissaqartillugu, tamanna pisariaqarfiani oqaasertaliussakkut pisinnaavoq. Pissutsit imikkut ittut atuutsinnagit, oqaasertaliussat taamaattut ungasinnerulaartoq isigalugu inatsisitigut il.il. maleruagassanik taarsiinissaat siunertaavoq.

Nunatta Karsiata aningaasanik tigoriaannarnik ajornartorsiulersinnaanermut aarlerinaat ingalanniarlugu, Nunatta Karsiata naatsorsuutaani sinneqartoorutit ukiup aningaasaliiffiusup naanerata kingorna ukiut sisamassaanni, piffissallu taakku akornanni ukiuni aningaasanut inatsiseqarfiusuni amigartoorutaasinnaasut ilanngaatigineqareernerini, aatsaat Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmuit nuunneqartarnissaat siunnersuutigineqarpoq.

Kommunit immikkoortunut pilersaarusiortarnissaannut nalunaarummik Naalakkersuisut atuutsitsinissamut piginnaatinneqarnissaat siunniunneqarpoq. Taamaaliornermi ilaatigut Namminersorlutik Oqartussat immikkoortunut pilersaarutaasa kommuninut ataqtigiiissaarnerannut tunngavissamik qulakkeerinissaq siunertaavoq, taamaaliornikkut pisariaqartumik ataqtigitiqarnera qularnaqqullugu, ilaatigullu kommunit

aninkaasaqarnermik aqutsinerat nukittorsarniarlugu, akunnattumullu (ukiunut 10-nutt) pingaarnersiuinermut tunngavissaq pitsangorsaqqullugu.

Kommunit ukiumoortumik naatsorsuutaasa inaarlugit suliarineqartarnissaat qulakkeerniarlugu, kommunalbestyrelsit ukiup naatsorsuusiorfiusup kingorna kingusinnerpaamik ulloq 15. september ukiumoortumik naatsorsuutinik akuersisarnissaat siunnersuutaavoq. Kommunit killiliussamik malinninniarlutik ilungersorunik, Aninkaasaqarnermut Ataatsimiititaliap Siulittaasua killiliussap sivitsorneqarnissaanik Naalakkersuisunut qinnuteqarsinnaavoq. Killiliussarli qaammatit marluk qaangerlugit (15. november) sivitsorneqarsinnaanngilaq. Kommunalbestyrelsip killiliussaq malinngippagu, Nakkutilliisoqarfik communalbestyrelsimi ilaasortanut iliuuseqannginnermut akisussaasunut pinngitsaalissutinik akiligassanngortitsisinnaavoq, tak. inatsimmi § 47, imm. 1.

3. Pisortanut aninkaasaqarnikkut allaffissornikkullu kingunerisassat

Missingersuutit inisisimaneranik naatsorsuinermi isertitat aningaasartuutilu ilaasa ilanngunneqartannginnerannut siunnersuut, pisortanut pitsaasumik aningaasatigut kinguneqartussatut isigineqarpoq, tamannami aningaasarsiornermik ingerlatsinermut annertusaqaataassammat. Suliali annertunerulernissaata annertussusaa, aningaasanullu kingunerisassat, maannakkuugallartoq annertussusilerneqarsinnaanngillat.

Piffissaq ungasinnerusoq eqqarsaatigalugu aningaasaliissuteqarnissamut Aninkaasaateqarfimmun aningaasanik nuussinissamik Kinguartitsineq Nunatta Karsianut pitsaasumik aningaasanik uninngasuutinut sunniuteqarsinnaavoq, allatigulli aningaasatigut kinguneqassanani.

Siunnersummi immikkoortut allat aningaasatigut kinguneqassanngitsut naliliutaavoq.

Kommunit immikkoortunut pilersaarusiornissamik peqquneqartillugit, tamanna kommunini allaffissornermi isumalluutinik atuinermik malitseqassaaq. Kommunit immikkoortunut pilersaarusiornermi, ilusilersuinermi taakkununngalu immikkoortunut ilaatinneqartarnissaat siunertaavoq. Immikkoortunut pilersaarutit kommunit missingersuutinik piareersarneranni ikorfartuinissaat, siunissamullu akunnattumut pilersaarusiornermut pitsanguinissaat siunertaavoq. Immikkoortunut pilersaarutit aamma kommunit aningaasaqarnikkut aqutsinerannut aningaasaliinissamullu pilersaarusiornernut taamaalillutik sakkutut pingaaruteqalissapput. Kommunit isumalluutinik atuineri, suliassanut allanut annikinnerusunik isumalluutinik atuinikkut illuatungilerneqassasoq naatsorsuutaavoq.

4. Namminersorlutik inuussutissarsiortunut aninkaasaqarnikkut allaffissornikkullu kingunerisassat

Siunnersuut namminersorlutik inuussutissarsiortunut aninkaasaqarnikkut allaffissornikkullu kinguneqassangatinneqanngilaq.

5. Avatangiisinut, pinngortitamut inuaallu peqqissusaannut kingunerisassat

Siunnersuut avatangiisinut, pinngortitamut inuaalluunniit peqqissusaannut kinguneqassangatinneqanngilaq.

6. Innuttaasunut kingunerisassat

Siunnersuut innuttaasunut kinguneqassangatinneqanngilaq.

7. Kingunerisassat annertuut allat

Siunnersuut annertuunik allanik kinguneqassanngilaq.

8. Oqartussanik kattuffinnillu il.il. tusarniaaneq

Siunnersuut piffissami 29. juni 17. juli 2023-mut ukununnga tusarniaassutigineqarpoq:
Sulisitsisut, KNAPK, SIK, Kommune Kujalleq, Kommuneqarfik Sermersooq, Qeqqata
Kommunia, Qaasuitsup Kommunia, Avannaata Kommunia, Grønlandsbanken, Bank Nordik,
Grønlands Revisionskontor, BDO, Ernst & Young, Revisionsfirmaet Per Abelsen, Nunatsinni
Advokatit Namminersorlillu oqartussani naalakkersuisoqarfinnut tamanut.

Taakku saniatigut siunnersuut piffissami tassani namminersorlutik oqartussat tusarniaanermi
nittartakkakut qupperneranni tamanut takusassiarineqarpoq.

Tusarniaanermut atortussiatut tigusat tunuliaqtalaralugit, tusarniaanermut allakkiaq,
ilanngussaq 2-tut ilanngunneqartoq suliarineqarpoq.

Siunnersummi aalajangersakkanut ataasiakkaanut nassuaatit

§ 1-mut

Nr. 1-imut

Missingersuutit inissisimanerannik naatsorsuineremi taarsigassanut utertitsilluni, pilersitsineremi akiliutinut aningaasartuutinut, naqitsineremi akiliummut, akiliinermut, akiliutinut ernianullu tunngasunik aningaasartuutit akiliutinut tunngasut, taarsigassanit aningaasat akuerisanik aningaasalersuinermut atorneqartillugit, taarsigassallu Inatsisartut inatsisaanni § 6-imni malittarisassat malillugit akuerineqartillugit, ilaatinneqannginnissaat siunnersuutaavoq.

Namminersorlutik Oqartussat assersuutigalugu taarsigassarsisimatillugit, taakkulu ilaat akuerisanik aningaasaliissutinut atorneqartillugit, ilaalu allat siunertanut allanut atorneqartillugit, taamaallaat akiliutit aningaasaliissutinut akuerisanut tunngasut kisimik ilanngunneqassanngillat.

§ 6-imut innersuussineremi piumasaqataavoq, akiitsunik isumakkeerinninnermi, pilersitsilluni akiliuteqarneremi, akitsuutini, pappiaqqanik nalilinnik naqissusiineremi akitsuutini, akiliutini ernianilu atuutsitsisoqassanngippat piumasaqaat marloqiusaasoq atuutissasoq:

- a) Aningaasartuut ineqarnermut, inuussutissarsiornermut, attaveqaasersuutinik pilersaarutinut kingunerisatut nalileereernerup kingorna inuttaasut aningaasaqarnerannut iluaqtaasutut nalilerneqartunut tutsinneqarsinnaassapput, aamma
- b) atuisunit akiliutit, pisortanit aningaasartuutit annikillisat imaluunniit pisortat isertitaqarneruneri minnerpaamik erniaqarlutik aamma akilersuineqarlutik aningaasaliissutaasinnaassapput, kiisalu aningaasaliineq aningasaqarnikkut politikkimi attassisinnaanermut ilapittuutaalluni.

Nr. 2-mut

Missingersuutit inissisimanerannik naatsorsuineremi isertitat tunissutitut, tapiissutitut, ikuutitut assigisaannilluunniit aningaasaateqarfinit, ingerlatsivinnit, kattuffinit, suliffeqarfinit naalagaaffiilluunniit suliniaqatigiiffiinit inuinnarnilluunniit tiguneqartut, tunissutit, tapiissutit il.il. kommunip Namminersorlutilluunniit Oqartussat piffissamik aalajangersimasunik pisinissaannut, sanaartugassanik aalajangersimasunik suliassanilluunniit allanik suliaqarnissaannut atugassaatillugit, ilanngunneqartannginnissaat siunnersuutaavoq.

Taamatut aamma aningaasartuutit siunertanut taakkununnga attuumasut, aningaasartuutit aningaasanik tunissutitut, tapiissutitut, ikiorsiissutit assigisaannilluunniit aningaasaateqarfinit, ingerlatsivinnit, kattuffinit, suliffeqarfinit naalagaaffiilluunniit suliniaqatigiiffiinit inuinnarnilluunniit tiguneqartunit minneruppata ilanngunneqassanngillat.

Aalajangersakkat tapiissutinut, tunissutinut il.il. Namminersorlutik Oqartussat assersuutigalugu mingutsitsinngitsumik suliniummit pilersaarummit assingusunilluunniit

aalajangersimasumik siunertalinnut atatillugu tigusaanut attuumatinneqarput. Taakku aamma illuutinik, maskiinanik il.il. sanaatornerni pisinernulluunniit atugassatut aningaasaateqarfinnit, inuinnarnit allanilluunniit, Kalaallit Nunaata ineriertornissaanut tapersersuinissamik kissaateqartunit pissarsiarineqartunut atuupput. Assersuutigalugu aningaasaateqarfinnit Pinngortitaleriffiup allallu pisortat suliffeqarfisa allilernissaanut, Peqqinnissaqarfimmut il.il. misissuutimik pisinermut tunissutit taaneqarsinnaapput.

Tapiissutit Namminersorlutik Oqartussat aalajangersimasumik tunisisunut iliuuseqartussaatitaanngitsillugu tunniunneqarnissaat pingaaruteqarpoq. Taamaalilluni assersuutigalugu sanaatornissamut pilersuinissamilluunniit isumaqatigiissut aalajangersakkanut ilanngunneqarsinnaanngilaq, namminersorlutik oqartussat kommuni ataaseq allalluunniit peqatigalugit tamakkiisumik aningaasartuuteqarnissaat naatsorsuutigineqarpat.

Namminersorlutili Oqartussat illummut, maskiinamut il.il. pineqartumut ingerlatsinermi aningaasartuuteqarnissamik pisussaaffilerner imaluunniit sanaartornerup, pisinermut aningaasartuutit ilaasa akilernissaat aalajangersakkat sinaakkutaasa iluaniippoq. Namminersorlutili Oqartussat aningaasartuutaat missingersuutit inissisimancerannik naatsorsuineremi ilaassapput. Tamanna ingerlatsinermi aningaasartuutinut Namminersorlutili Oqartussat sanaartornermut, pisinermut il.il. aningaasartuutaannut atuuppoq.

Nr. 3-mut

§ 12, imm. 1, uniffiit aappaanni “nalinginnaasumik” ilanngunneqarnissa siunnersuutaavoq. Oqaasertaliussat aningaasaliinermik aqutsinermi tapertaanissaat aallaavittut suli atuuppoq. Ulluinnarnili periuserineqartut aallaaviup taassuma sanioqqunneqarnissaanik oqaasertaliussanillu (toqqaannartumik) aningaasaliissutinik aqutsinermi ilapittuutitut siunertaqanngitsunik akuersisinnaanermik periarfissiinissaq takutippaat.

Aalajangersakkap sukannersumik atorneqarnissa naatsorsuutaavoq, taamaalilluni immikkorluinnaq pisoqartillugu aningasanut inatsimmi oqaasertaliussanik aningaasaliissutinik atuutsitsinermut ilapittuutitut toqqaannartumik siunertaqanngitsunik ilanngussisoqartassalluni.

Nr. 4-mut

Nunatta Karsiata sinneqartooraasaa aatsaat Inatsisartut Nunatta Karsiata naatsorsuutaannik akuersinerannit ukiup aningasanik inatsiseqarfiusup naaneranit ukiut sisamassaanni, ukiunilu aningasanut inatsiseqarfiusuni taakkunani amigartooraasinaasut ilanngaatigereernerini Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut nuunneqartarnissaat siunnersuutaavoq.

Aalajangersakkap Nunatta Karsiata aningasanik uninngasuutaasa ikiliartornissaannik aarlerinaammik pinaveersimatitsinissa siunertaavoq.

Nr. 5-imut

Kommunit immikkoortunut pilersaarutinik suliaqartarnissaat pillugu Naalakkersuisut nalunaarusiorissamik piginnaatinneqarnissaat siunnersuutaavoq. Namminersorlutik Oqartussat immikkoortunut pilersaarutaasa kommuninut ataqtigissartarnissaannut tunngavissiinissap qulakkeernissaa siunertaavoq.

Immikkoortunut pilersaarutit imarisassaannut tunngasut nalunaarummi aalajangersarneqassapput. Tamanna aamma immikkoortunut pilersaarutit atuutilernissaasa sukkassusissaannut tunngavoq.

Nr. 6-imut

Kommunalbestyrelsit ukiumut naatsorsuutinut oqaatigisassat nassiunneqartut akinissaannik aalajangernissaannut, ukiumoortumillu naatsorsuutinik akuersinissaannut ukiup naatsorsuusiorfiusup qaangiunnerani ukiumi ulloq 15. september aalajangersarneqarnissaa siunnersuutaavoq.

Nr. 7-imut

Kommunalbestyrelsip ukiumoortumik naatsorsuutinik taakkununngalu oqaatigisassat akineqarnissaannut piffissaliussap qaammatinik marlunnik, tassa ukiup naatsorsuusiorfiusup qaangiunnerani ukiumi ulloq 15. novembarimut Naalakkersuisut sivitsuisinnaanerat siunnersuutaavoq. Piffissaliussaq qaammatit marluk qaangerlugit sivitsorneqarsinnaanngilaq. Piffissaliussaq qaangerneqarpat kommunalbestyrelsimit ilaasortat iliuuseqannginnermut akisussaasut Nakkutiliisoqarfiusup pinngitsaaliissummik akiliisissinnaavai, tak. Inatsisartut inatsisaat § 47, imm. 1.

Siunnersuut maanna inatsisaasumut sanilliullugu	
<i>Oqaasertat atuuttut</i>	<i>Siunnersuut</i>
	<p style="text-align: center;">§ 1</p> <p>Kommunit Namminersorlutillo Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-imeersumi, Inatsisartut inatsisaanni nr. 24, 28. november 2018-imi aamma Inatsisartut inatsisaanni nr. 13, 1. December 2021-mi allanngortinneqartumi, tulliuttut allanngutigineqarput:</p>
<p>§ 2.</p> <p><i>Imm. 3.</i> Inatsisartut akuersissuteqarnerisa kingorna imm. 2 malillugu naatsorsuinermi aningaasartuutit ineqarnermut, inuussutissarsiornermut imaluunniit ataqatigiimmik aaqqissuussinernut suliniutinut aningaasaliinernut atatinneqarsinnaasut ilanngunneqassanngillat, sunniutissanik nalilersuineq malillugu ataatsimut isigalugu inuiaqatigiit aningasaqarneranut iluanaarutaasut nalilerneqarpat.</p>	<p>1. § 2, imm. 3-mi, uniffitappaattut ikkunneqassaaq:</p> <p>” Uniffik siulleq malillugu akuersinermi, taarsigassarsiat § 6 malillugu akuerineqartillugit, aningaasallu aningaasaliinissanut akuerineqartunik aningaasalersuinermut atorneqartillugit aamma taarsigassarsianut, pilersitsinermi akiliutinut aningaasartuutinut, naqtsinermi akiliummuit, akiliinermut, akiliutinut ernianullu tunngasunik aningaasartuutit ilaapput.”</p>
	<p>2. § 2-mi imm. 8 aamma 9-tut ikkunneqassaaq:</p> <p>” <i>Imm. 8.</i> Imm. 2, nr. 1-imi taaneqartutut missingersuutit inissisimanerannik naatsorsuinermi, tunissutit, tapiissutit, ikiorsiissutit assigisaallu aningaasaateqarfinnit, ingerlatsivinnit, kattuffinnit, suliffeqarfinnit naalagaaffiillu suliniaqatigiiffiinit inuinnarnillu tiguneqartut, tunissutit, tapiissutit il.il. kommunip namminersorlutilluunniit oqartussat aalajangersimasunik pisinissamut, aalajangersimasunik sanaartornissamut allanilluunniit suliassanut atugassaattut tiguneqartut isiginiarneqartassanngillat.</p>

	<p><i>Imm. 9. Imm. 2, nr. 2-mi oqaatigineqartutut missingersuutit inissisimanagerannik naatsorsuineremi aningaasartuutit siunertanut imm. 8-mi taaneqartunut, aningaasartuutit aningaasanik tunissutit, tapiissutit il.il. tiguneqartunit annertunerutinnagit ilanngunneqartassanngillat. “</i></p>
§ 12. Aningaasaliissutinut oqaasertaliisoqarsinnaavoq. Oqaasertaliussat taamaallaat aningaasaliissutit aqunneqarnissaannut tapertaassapput.	<p>3. § 12, imm. 1, uniffiit aappaat, ima oqaasertalerneqassaaq: ” Oqaasertaliussat nalinginnaasumik taamaallaat aningaasaliinermi aqutsinermut ilapittuutaassapput.”</p>
§18. <i>Imm. 4. Iluanaarutit imm. 3, nr. 1-4-imti taaneqartut, tiguneqarnerisa kingorna piaartumik aningaasaateqarfimmuit nuunneqassapput. Sinneqartoortut imm. 3, nr. 5-imti taaneqartut, Inatsisartut nunap karsiani naatsorsuutinik akuersissuteqareernerisa kingorna piaartumik aningaasaateqarfimmuit nuunneqassapput.”</i>	<p>4. § 18, imm. 4, ima oqaasertalerneqassaaq: ”<i>Imm. 4 Iluanaarutit imm. 3, nr. 1-4-ami taaneqartut tiguneqarnerminnit piaarnerpaamik aningaasaateqarfimmuit ikineqartassapput. Sinneqartoortut imm. 3, nr. 5-imti taaneqartut Inatsisartut Nunatta Karsiata naatsorsuutaanik akuersinerata kingorna ukiup aningaasanik inatsiseqarfiup naanerani ukiut sisamaanni ukiunilu aningaasanut inatsiseqarfiusuni akunnermiliuttuni amigartoorutaasinnaasut ilanngaatigineqareernerini piaarnerpaamik aningaasaateqarfimmuit nuunneqartassapput.”</i></p>
	<p>5. § 20-mi immikkoortoq 6-itut ikkunneqassaaq: ” <i>Imm. 6. Naalakkersuisut kommunit immikkoortunut pilersaarutinik suliaqartarnerannut malittarisassanik, immikkoortuni ataasiakkaani periusissanik sukkulluunniit atuuttunik takutitsisunik malittarisassarsiorsinnaapput.”</i></p>
§ 43. Aningaasaqarnermut Ataatsimiitaliaq ingerlatsivinnit aningaasaqarnermut ataatsimiitaliap toqqaannartumik ataaniinngitsunit akissuteqaatinik piumasaqassaaq. Akissuteqaatit Aningaasaqarnermut Ataatsimiitaliap communalbestyrelsimit inassuteqaataani ataatsimoortuni ilaatinneqassapput. Kommunalbestyrelsip	<p>6. § 43, imm. 1, uniffiit pingajuat ima oqaasertalerneqassaaq: ” Kommunalbestyrelsi ukiumoortumik naatsorsuutinut oqaatigisassat nassiunneqartut akineqarnissaannik, ukiumoortumillu naatsorsuutit akuerineqarnissaannik ukiup naatsorsuusiorfiusup qaangiunnerani ukumi kingusinnerpaamik ulloq 15. september aalajangiissaaq.”</p>

alajangiiffigissavaa ukiumoortumik naatsorsuutinut oqaaseqaataasut akissuteqarfingineqarnissaat aammalu ukiumoortumik naatsorsuutit akuersissutigineqarnissaat.	
	<p>7. § 43-mi imm. 4-atut ivertinneqassaaq: ” <i>Imm. 4. Imm. 1-imikilliliussaq naammassineqarsinnaanngippat Aningaasaqarnermut ataatsimiititaliap siulittaasua, taassumaluunniit sinniisua tamanna pillugu ukiup naatsorsuusiorfiusup kingorna kingusinnerpaamik ulloq 15. august Naalakkersuisunut nalunaaruteqassaaq. Naalakkersuisunut ilaasortaq, Naalakkersuisut siulittaasuata erseqqinnerusumik aalajangiinerata kingorna tassunga akisussaasusoq, pisut malillugit ukiumoortumik naatsorsuutit akueringeqarnissaannut piffissaliussamik qaammatit marluk angullugit kinguartitsisinnaavoq. Piffissaq kinguartitsiffiusoq qaangerneqarpat, § 47, imm. 1-imikallit aalajangersakkat atutissapput.”</i> ”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2024 atuutilissaaq.</p>

Tusarniaanermut allakkiaq

Tusarniaanermut piffissaliussap qaangiunnerani Kommuneqarfik Sermersuumit, Aalisarnermut Piniarnermullu Naalakkersuisoqarfimmit, Sulisitsisunit, Kommune Qeqertalimmit, Qeqqata Kommunianit Nunanullu allanut, Inuussutissarsiornermut Niuernermullu Naalakkersuisoqarfimmit tusarniaanermut akissutit tiguneqarput.

Aalisarnermut Piniarnermullu Naalakkersuisoqarfik, Sulisitsisut Nunanullu allanut, Inuussutissarsiornermut Niuernermullu Naalakkersuisoqarfik siunnersummut oqaatigisassaqanngillat.

Tulliuttuni tusarniaanermut akissutit suliarineqarput, kingornalu siunnersummut oqaatigisassat allanneqarlutik.

Tusarniaanermut akissutit nalinginnaasumik allatatut pingarnersiorlugit allanneqarput, akissutinullu oqaatigisassat *uingasunngorlugit* allanneqarlutik.

Kommuneqarfik Sermersooq

§ 2, imm. 3-p allanngortinnera (siunnersummi nr. 1) taarsigassarsianik pilersitsinermut aningaasartuutinik pilersitsinermi akiliutinut aningaasartuutinut, naqtsinermi akiliummut, akiliinermut, akiliutinut ernianullu aningaasartuutit ilaatinneqalersillugit annertusineqassasoq kommunip siunnersuutigaa.

Siunnersuut annertuutigut ilanngunneqarpoq, taarsigassarsianummi pineqartunut pilersitsinermut aningaasartuutit, pilersitsinermi aningaasartuutit ilaatinneqartut ilaatilerlugit erseqqissaavagineqarmat..

Illuliortiternermut aningaasartuutit pillugit Inatsisartut inatsisaat nr. 39, 23. november 2017-meersumi § 37 naapertorlugu piffissaq sioqqullugu pissarisanik akiliinerni nalikilliliinerit isiginiarneqartannginnissaat kommunip ilanngullugu siunnersuutigaa, nalikilliliinerimmi naatsorsuutit oqimaaqatigiissinneranni pisarmata.

Siunnersuut ilanngunneqanngilaq. Kommuneqarfik Sermersuup piffissaq sioqqullugu taarsiinerit annertussusaat tulliuttut paasissutissiissutigai:

2020: kr. 4.104.780,91 illulianut 83-nut agguarsimasut

2021: kr. 5.157.890,38 illulianut 114-nut agguarsimasut

2022: kr. 4.838.153,70 illulianut 93-nut agguarsimasut

2023 (juuni ilanngullugu): kr. 3.172.853,17 illulianut taarsigassarsianut 43-nut agguarsimasut.

Missingersuutit inissisimanerannik suliaqarnissap pisariusunngortinnejarnissaa tunngavissaatinneqarpoq, ingammik piffissami erniat annertussusaanni allanngorarfiusumi, taamaattoqarneranilu taarsigassarsisut qanoq amerlatigisut siusinaartumik taarsigassarsianik utertitsinissamut periarfissamik atiumaartunik siumut eqqoriaanissap ajornakusoorfiani. Taamattaaq aningaasat annertunnngitsut pineqarput. Ataatsimut isigalugu siunnersuutip missingersuutit inissisimanerannut killilimmik sunniuteqartussaq, suliaqarnerunissatut ilimagineqartunut naapertuussorineqanngilaq.

Kommune Qeqertalik

Kommunip oqaatigaa, § 2, imm. 3-p allanngortinnera kommunip missingersuutinut oqimaaqtigiissitsineranut sunniuteqarsorinangitsoq.

§ 2, imm. 3-mik aalajangersakkap taamaallaat namminersorlutik oqartussat inissianik, inuussussarsiutinik attaveqaatinillu aningaasaliinerani aningaasartuutinut taamaallaat tunnganera ilumoorpoq.

Siunnersuummi § 2, imm. 8-mi isertitat paasineqarnerat siamasissorinartoq, aningaasalersuutilu arlallit, siusinnerusukkut taamaattutut isigineqartannngitsut, isertitatut ilaatinneqarnissaannut periarfissaqartoq, kommuni allappoq. Missingersuutit inissisimanerat ataatsimoorussamik kontoplanimi suussutsinik immikkoortiterinerit tunuliaqutaralugit naatsorsorneqartartunnngorlugu periutsip allanngortinnissaa naapertuunnerusssasoq kommuni isumaqarpoq, tamannalu missingersuutinik eqqornerusumik eqqortumillu aqutsinermut ilapittuisuussaaq.

Missingersuutit inissisimanerata naatsorsorneqartarnera siunertanut kontoplanimi siunertat 2-16 tunngavigalugit pisarinera, aalajangersagassatut siunnersuutip allanngortinngilaa. Tunissuitut, tapiissuit il.il. tigusat maannakkutulli kommuninut namminersorlutillu oqartussanut isertitaapput. Pisut ilaani tapiissuit siunertanut aalajangersimasunut atugassaasarput, tamatumani taakku aningaasartuutinut tamakkiisumik matussusiinerat apeqquaatinnagu. § 2, imm. 8-mi 9-milu aalajangersakkat isertitat aningaasartuutillu taakku matussusiissutaasa missingersuutinik inissisimanermik naatsorsuinermut sunniinnginnerat qulakkiissavaa.

Naalakkersuisut kommuninik immikkoortunik pilersaarutinik suliaqartarnissamik peqqusisinnaanerannik siunnersuut, kommuninut allaffissornikkut annertuumik nammakiisinnavaaq. Nammakersuutip taassuma nalilersornissaa Tamakkiisumillu annertusisamik oqimaaqtigiissitsineq naapertorlugu taarsiisinnaaneq, suliassanik allanik peqqusinnginnermi isumaliutigineqartariaqarpoq.

Immikkoortunut pilersaarutit pilugit nalunaarut kommuninut sipaarniutinik illuatungilerneqanngitsumik aningaasartuuteqarnerunermik malitseqartillugu, taarsiisinnaneq ukiumoortumik ataatsimoortumik tapiissutit pillugit oqaloqatigiinnernut atatillugu pissaaq. Maannakuugallartoq aningaasartuutaanerusussat sipaarniutinit matussuserneqarnissaat ilimagineqarpoq.

Kommunalbestyrelsip ukiumoortumik naatsorsuutinik inaarutaasumik akuersisarnissaanut killiliussap septembarip qaammataata naaneranut aalajangerneqassasoq kommunip siunnersuutigaa. Taamaaliornikkut kommunit ukiumoortumik naatsorsuutiminnik piffissaq eqorlugu naammassinnittarnissaat ilimanaateqarnerussaaq.

Tusarniaanermi akissutit piffissaq eqorlugu akuersinerup ulloq 15. augustimit 15. septembarimut kinguartinneqarneranik pissutissaqalersitsivoq.

Qeqqata Kommunia

Naalakkersuisut kommunit immikkoortumut pilersaarutinik suliaqartarnissaannut malittarisassiorsinnaanerat, kommunip isummaa malillugu suliassaavoq kommuninut akisoorujussuanngorsinnaasooq, taamaammallu piumasaqaatit taamaattut kommunit aningaasartuutaannut aningaasalersuutinik/taarsiinernik pisariaqartunik malitseqartinneqartariaqarput.

Tamanna pillugu Kommune Qeqertalimmut siuliani oqaatigisat innersuussutigineqarput.